

## UNIVERZITET U TUZLI

Na osnovu člana 96. Zakona o visokom obrazovanju ("Službene novine Tuzlanskog kantona" broj 8/08, 11/09 i 12/09), člana 75. stav 1) tačka 12) Statuta Univerziteta u Tuzli i Odluke Senata Univerziteta u Tuzli o broju studenata za upis u I godinu prvog ciklusa studija na fakultete/Akademiju Univerziteta u Tuzli te utvrđivanju visine školarine i participacije u troškovima studija u akademskoj 2011/2012. godini broj: 03-4450-2.2/11 od 13.06.2011. godine, raspisuje se

# K O N K U R S

## ZA UPIS STUDENATA U I GODINU PRVOG CIKLUSA STUDIJA NA UNIVERZITET U TUZLI U AKADEMSKOJ 2011/2012. GODINI

### I OPŠTE ODREDBE

#### USLOVI ZA PRIJEM STUDENATA

##### Član 1.

Pravo učešća na Konkursu imaju kandidati državljani BiH, strani državljani i lica bez državljanstva koji su završili srednju školu u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom u četverogodišnjem trajanju, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi, o čemu prilažu odgovarajući dokaz.

Pravo za prijem na redovni studij imaju nezaposlena/izdržavana lica, a zaposlena lica imaju pravo učešća na Konkursu samo na studentske programe na kojima je organizovan vanredni studij (studij uz rad).

##### Član 2.

Na Fakultete/Akademiju Univerziteta u Tuzli u akademskoj 2011/2012. godini u I godinu prvog ciklusa studija prvi put će se upisati slijedeći broj studenata:

Red. Broj	Naziv fakulteta/Akademije Studijski program	Redovni studij		Studij uz rad
		Studenti koji se finansiraju iz Budžeta TK	Studenti koji se sami finansiraju	
1.	<b>Akademija dramskih umjetnosti</b>	<b>10</b>	<b>5</b>	-
	• Produkcija	10	5	-
2.	<b>Edukacijsko-rehabilitacijski fakultet</b>	<b>60</b>	<b>60</b>	-
	• Logopedija i surdoaudiologija	20	20	-
	• Edukacija i rehabilitacija	20	20	-
	• Poremećaji u ponašanju	20	20	-
3.	<b>Ekonomski fakultet</b>	<b>90</b>	<b>90</b>	<b>100</b>
	• Studij ekonomije (četverogodišnji)	90	90	-
	• Visoka poslovna škola - studij u Tuzli			100
4.	<b>Fakultet elektrotehnike</b>	<b>90</b>	<b>45</b>	-
	• Energetska elektrotehnika	30	15	-
	• Tehnička informatika	30	15	-
	• Komunikacije	30	15	-

5.	<b>Fakultet za tjelesni odgoj i sport</b>	<b>30</b>	<b>15</b>	<b>-</b>
6.	<b>Farmaceutski fakultet</b>	<b>45</b>	<b>30</b>	<b>-</b>
7.	<b>Filozofski fakultet</b>	<b>315</b>	<b>180</b>	<b>-</b>
	• Bosanski jezik i književnost	30	15	-
	• Historija	30	15	-
	• Razredna nastava	30	15	-
	• Strani jezici			
	- Engleski jezik i književnost	30	15	-
	- Turski jezik i književnost	30	15	-
	- Njemački jezik i književnost	15	30	-
	• Žurnalistika	30	15	-
	• Pedagogija i psihologija	30	15	-
	• Tehnički odgoj i informatika	30	15	-
	• Socijalni rad	30	15	-
	• Filozofija-Sociologija	30	15	-
8.	<b>Mašinski fakultet</b>	<b>90</b>	<b>60</b>	<b>-</b>
	• Energetsko mašinstvo	30	20	-
	• Proizvodno mašinstvo	30	20	-
	• Mehatronika	30	20	-
9.	<b>Medicinski fakultet</b>	<b>75</b>	<b>45</b>	
	• <b>Visoka zdravstvena škola</b>		<b>180</b>	<b>90</b>
	- Studij sestrinstva		30	15
	- Fizioterapija	-	30	15
	- Medicinsko-laboratorijska dijagnostika	-	30	15
	- Radiološka tehnologija	-	30	15
	- Medicinska protetika i ortotika	-	30	15
	- Sanitarno zdravstvo	-	30	15
10.	<b>Pravni fakultet</b>	<b>90</b>	<b>30</b>	<b>50</b>
11.	<b>Prirodno-matematički fakultet</b>	<b>280</b>	<b>95</b>	<b>-</b>
	• Matematika			-
	Studijski programi:			
	- primjenjena matematika	30	10	-
	- nastavnički	30	10	-
	• Fizika			-
	Studijski programi:			
	- primjenjena fizika	30	10	-
	- nastavnički	30	10	-
	• Geografija	40	15	-
	• Biologija			-
	Studijski programi:			
	- primjenjena biologija	30	10	-
	- nastavnički	30	10	-
	• Hemija			-
	Studijski programi:			
	- primjenjena hemija	30	10	-
	- nastavnički	30	10	-
12.	<b>Rudarsko-geološko-gradjevinski fakultet</b>	<b>160</b>	<b>120</b>	<b>-</b>
	• Rudarstvo	30	20	-

	• Geologija	30	20	-
	• Građevina	40	40	-
	• Bušotinska eksploatacija mineralnih sirovina	30	20	-
	• Sigurnost i pomoć	30	20	-
13.	<b>Tehnološki fakultet</b>	<b>130</b>	<b>65</b>	<b>-</b>
	• Hemijsko-tehnološki Usmjerenja: - Hemijsko inženjerstvo - Ekološko inženjerstvo	30 30	15 15	- -
	• Prehrambena tehnologija	40	20	-
	• Zaštita okoline	30	15	-
	<b>UKUPNO:</b>	<b>1465</b>	<b>1020</b>	<b>240</b>
	<b>UKUPNO: (Redovni)</b>	<b>2485</b>		
	<b>UKUPNO:(Redovni +Vanredni)</b>	<b>2725</b>		

### Član 3.

U provođenju konkursnog postupka Univerzitet će organizovati dva upisna roka. Ukoliko se ne popuni broj slobodnih mjesta u ova dva upisna roka, obaviće se prijem prijava i izbor kandidata u trećem upisnom roku.

#### PRVI UPISNI ROK

##### **a) Za fakultete Univerziteta u Tuzli**

- podnošenje prijava vršit će se od 17.06. do 25.06.2011. godine;
- prijemni ispit održat će se 01.07.2011. godine u 12,00 sati;
- privremena rang-lista kandidata objavit će se do 04.07.2011. godine, a konačna 07.07.2011. godine;
- upis primljenih kandidata obaviće se od 22.08.2011. do 30.08.2011. godine.

##### **b) Za Akademiju dramskih umjetnosti:**

- podnošenje prijava vršit će se od 17.06. do 25.06.2010. godine;
- I dio prijemnog ispita (kvalifikacioni ispit) održat će se 01.07.2011. godine u 10,00 sati;
- II dio prijemnog ispita (rad sa kandidatima u užem izboru) obaviti će se 04.07. i 05.07.2011. godine po rasporedu koji će biti objavljen nakon prvog dijela Prijemnog ispita;
- III dio (završni - eliminacioni ispit) održat će se 06.07.2011. godine u 17,00 sati;
- privremena rang-lista kandidata objavit će se do 07.07.2011. godine, a konačna 11.07.2011. godine;
- upis primljenih kandidata obaviće se od 22.08.2011. do 30.08.2011. godine.

#### DRUGI UPISNI ROK

##### **a) Za fakultete Univerziteta u Tuzli:**

- podnošenje prijava vršit će se od 22.08. do 29.08.2011. godine;
- prijemni ispit održat će se 01.09.2011. godine u 12,00 sati;
- privremena rang-lista kandidata objavit će se do 05.09.2011. godine, a konačna 07.09.2011. godine;
- upis primljenih kandidata traje od 08.09. do 16.09.2011. godine.

##### **b) Za Akademiju dramskih umjetnosti:**

- podnošenje prijava vršit će se od 22.08. do 29.08.2011. godine;
- I dio prijemnog ispita (kvalifikacioni ispit) održat će se 01.09.2011. godine u 10,00 sati;
- II dio prijemnog ispita (rad sa kandidatima u užem izboru) obaviti će se od 02.09. do 05.09.2011. godine po rasporedu koji će biti objavljen nakon prvog dijela Prijemnog ispita;

- III dio (završni - eliminacioni ispit) održat će se 06.09.2011. godine u 17,00 sati;
- privremena rang-lista kandidata objavit će se do 06.09.2011. godine, a konačna 10.09.2011. godine;
- upis primljenih kandidata traje od 12.09. do 16.09.2011. godine.

#### Član 4.

Univerzitet u Tuzli upisuje utvrđeni broj studenata prema opštim i pojedinačnim kriterijima, te uspjehu na prijemnom ispitu.

Prijemni ispit polažu svi prijavljeni kandidati.

Rangiranje kandidata vrši se na osnovu ukupnog broja bodova ostvarenih prema slijedećim kriterijima:

- 1. opšti kriteriji odnose se na postignuti uspjeh u srednjoj školi i iznose najviše 50 bodova;**
- 2. pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za odgovarajući studij, a koji donosi kandidatu najviše 10 bodova.**
- 3. prijemni ispit polaže se iz jednog do tri predmeta, koji su od značaja za odgovarajući studij. Ukupni rezultat sa prijemnog ispita vrijednuje se sa maksimalno 40 bodova.**

#### Član 5.

Broj bodova po osnovu opštih kriterija utvrđuje se tako da se prosječna ocjena (zaokružena na dvije decimale) iz svih predmeta, u svim razredima srednje škole, množi brojem 10 (deset).

#### Član 6.

Broj bodova po osnovu pojedinačnih kriterija utvrđuje se tako da se prosječna ocjena iz jednog do tri predmeta, u skladu sa Konkursom, iz dva razreda srednje škole koji su od značaja za odgovarajući studij, množi brojem 2 (dva) i nakon toga zaokružuje na jednu decimalu.

#### Član 7.

##### **Prijemni ispit je eliminatoran.**

Kandidat na prijemnom ispitu mora ostvariti najmanje **24 boda** da bi ušao u dalje rangiranje, osim na Akademiji dramskih umjetnosti gdje je potrebno da kandidat osvoji najmanje **40** bodova.

#### Član 8.

Pod jednakim uslovima, a primjenom kriterija iz člana 4. i člana 7. ovog Konkursa, prioritet pri upisu imaju lica iz člana 1. Zakona o dopunskim pravima boraca – branitelja i članova njihovih porodica ("Službene novine Tuzlanskog kantona" broj: 3/07, 9/08 i 13/09), pod uslovom da su uz prijavu na Konkurs dokumentovali pripadnost toj kategoriji.

#### Član 9.

Prijavu na Konkurs na propisanom obrascu, sa odgovarajućom dokumentacijom, kandidati su dužni podnijeti u utvrđenom roku lično ili preporučeno putem pošte studentskoj službi fakulteta/Akademije. U obrascu prijave na Konkurs, koja se može dobiti u studentskoj službi, kandidat mora naznačiti studijski program fakulteta/Akademije na koji se želi upisati, te da li se prijavljuje na redovan ili studij uz rad.

Uz prijavu se obavezno prilažu: originalno svjedočanstvo o završenom srednjem obrazovanju, originalna svjedočanstva sva četiri razreda srednje škole, Izvod iz matične knjige rođenih ili ovjerena fotokopija CIPS-ove lične karte/kopija pasoša za strane državljane, Uvjerenje o državljanstvu, ne starije od 6 mjeseci, te uvjerenje nadležnog organa za lica koja pripadaju kategoriji lica utvrđenih članom 19. Zakona o dopunskim pravima boraca i članova njihovih porodica ("Službene novine Tuzlanskog kantona" broj 3/07, 9/08 i 13/09), ne starije od 6 mjeseci.

Kandidati koji su srednju školu završili u inostranstvu prilažu i rješenje o nostrifikaciji svjedodžbe o završenom srednjem obrazovanju.

Kandidat za upis na Fakultet za tjelesni odgoj i sport prilaže i ljekarsko uvjerenje.

Kandidat koji ne ostvari pravo na upis, niti potvrdi učešće na narednom upisnom roku, dokumenta predata uz prijavu na Konkurs lično preuzima u studentskoj službi fakulteta.

Prijave podnesene poslije utvrđenog roka, kao i nepotpune prijave (bez odgovarajućih dokumenata) neće se uzeti u razmatranje.

Provođenje Konkursa za upis je oslobođeno takse.

Za bliža obavještenja kandidati se mogu obratiti studentskoj službi fakulteta/Akademije lično ili putem kontakt telefona, te korištenjem web stranice Univerziteta: **www.untz.ba**

#### Član 10.

U akademskoj 2011/2012. godini studenti, državljani Bosne i Hercegovine, participiraju u troškovima studija ili plaćaju školarinu u iznosu utvrđenom Odlukom o broju studenata za upis u I godinu prvog ciklusa studija na fakultete/Akademiju Univerziteta u Tuzli te utvrđivanju visine školarine i participacije u troškovima studija u akademskoj 2011/2012. godini, koja će biti objavljena na oglasnim pločama fakulteta/Akademije i na web stranici Univerziteta.

Studenti strani državljani i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

## II POJEDINAČNE ODREDBE

### KRITERIJI ZA UPIS

#### Član 11.

#### **1. AKADEMIJA DRAMSKIH UMJETNOSTI U TUZLI**

- Adresa: Ul. ZAVNOBiH br.2. Tuzla
- Telefon: 035/277-690
- Prijemni ispit na studijskom programu «Produkcija» traje 4-5 dana, a polažu ga svi kandidati. Sastoji se iz tri dijela: **kvalifikacioni ispit, rad u užem izboru i završni-eliminacioni ispit**. Prijemni ispit donosi maksimalno **80** bodova.
  1. **kvalifikacioni ispit** donosi maksimalno **30** bodova.
  2. **rad u užem izboru** je praktičan rad sa kandidatima iz oblasti studijskog programa, a boduje se kao sastavni dio **završnog-eliminacionog** ispita.
  3. **završni-eliminacioni ispit** donosi maksimalno **50** bodova.
- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Historija/Povijest.**

#### **2. EDUKACIJSKO-REHABILITACIJSKI FAKULTET U TUZLI**

- Adresa: Tuzla, Ul. Univerzitetska broj 1.
- Telefon: 035/320-677; 320-679
- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.**
- **Prijemni ispit: Test iz predmeta Biologija i Psihologija.**

#### **3. EKONOMSKI FAKULTET U TUZLI**

- Adresa: Tuzla, Ul. Univerzitetska broj 8.
- Telefoni: 035/320-823; 320-825

- Predmeti koji se boduju po pojedinačnim kriterijima su: Matematika i Informatika.
- Prijemni ispit: Test iz predmeta Matematika i Informatika.

### **3.1. VISOKA POSLOVNA ŠKOLA**

- Predmeti koji se boduju po pojedinačnim kriterijima su: Informatika i Demokratija i ljudska prava.
- Prijemni ispit: Test iz predmeta Informatika i Demokratija i ljudska prava.

### **4. FAKULTET ELEKTROTEHNIKE U TUZLI**

- Adresa: Tuzla, Ul. Franjevačka broj 2.
- Telefon: 035/259-609; 259-610
- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

### **5. FAKULTET ZA TJELESNI ODGOJ I SPORT U TUZLI**

- Adresa: Tuzla, Ul. 2. oktobra broj 2.
- Telefon: 035/278-537
- Predmeti koji se boduju po pojedinačnim kriterijima su: Tjelesni i zdravstveni odgoj i Bosanski/Hrvatski/Srpski jezik.
- Prijemni ispit: Test iz motoričkih sposobnosti i znanja: bazični sportovi, sportske igre, pihomotorika (poligon spretnosti).

### **6. FARMACEUTSKI FAKULTET U TUZLI**

- Adresa: Tuzla, Ul. Univerzitetska broj 8.
- Telefon: 035/320-998
- Predmeti koji se boduju po pojedinačnim kriterijima su: Hemija, Biologija i Matematika.
- Prijemni ispit: Test iz predmeta Hemija, Biologija i Matematika.

### **7. FILOZOFSKI FAKULTET U TUZLI**

- Adresa: Tuzla, Ul. Dr. Tihomila Markovića broj 1.
- Telefon: 035/306-365

#### **Studijski program: Bosanski jezik i književnost**

- Predmet koji se boduje po pojedinačnim kriterijima je Bosanski/Hrvatski/Srpski jezik.
- Prijemni ispit: Test iz predmeta Bosanski/Hrvatski/Srpski jezik i književnost.

#### **Studijski program: Historija**

- Predmet koji se boduje po pojedinačnim kriterijima je Historija/Povijest.
- Prijemni ispit: Test iz predmeta Historija/Povijest.

#### **Studijski program: Razredna nastava**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Matematika.
- Prijemni ispit: Bosanski/Hrvatski/Srpski jezik i Matematika.

#### **Studijski program: Pedagogija-Psihologija**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Demokratija i ljudska prava.
- Prijemni ispit: Pedagogija i Psihologija.

**Studijski program: Tehnički odgoj i informatika**

- Predmeti koji se boduju po pojedinačnim kriterijima su: Matematika i Fizika.
- Prijemni ispit: Matematika i Fizika.

**Studijski programi: Strani jezici**

**Engleski jezik i književnost**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Engleski jezik.
- Prijemni ispit: Test engleskog jezika.

**Turski jezik i književnost**

- Predmet koji se boduje po pojedinačnim kriterijima je Bosanski/Hrvatski/Srpski jezik i Historija.
- Prijemni ispit: Test iz Lingvistike.

**Njemački jezik i književnost**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Njemački jezik.
- Prijemni ispit: Test iz njemačkog jezika.

**Studijski program: Žurnalistika**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: pisanje eseja, Sociologija i Demokratija i ljudska prava.

**Studijski program: Socijalni rad**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Sociologija i Demokratija i ljudska prava.

**Studijski program: Filozofija-Sociologija**

- Predmeti koji se boduju po pojedinačnim kriterijima su: Bosanski/Hrvatski/Srpski jezik, Filozofija i Sociologija.
- Prijemni ispit: Test iz Filozofije i Sociologije.

**8. MAŠINSKI FAKULTET U TUZLI**

- Adresa: Tuzla, Ul.Univerzitetska broj 4.
- Telefon: 035/320-924
- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

**9. MEDICINSKI FAKULTET U TUZLI**

- Adresa: Tuzla, Ul.Univerzitetska broj 1.
- Telefon: 035/320-603; 035/320-609
- Predmeti koji se boduju po pojedinačnim kriterijima su: Biologija, Hemija i Fizika.
- Prijemni ispit: Test iz predmeta Biologija, Hemija i Fizika.

### **9.1. VISOKA ZDRAVSTVENA ŠKOLA U TUZLI:**

- Predmeti koji se boduju po pojedinačnim kriterijima su: **Biologija i Hemija.**
- Prijemni ispit: **Test iz predmeta Biologija i Hemija.**

### **10. PRAVNI FAKULTET U TUZLI:**

- Adresa: Tuzla, Ul.Muhameda Hevaija-Uskufija broj 7.
- Telefon: 035/250-657
- Predmeti koji se boduju po pojedinačnim kriterijima su: **Bosanski/Hrvatski/Srpski jezik, Historija/Povijest i Demokratija i ljudska prava.**
- Prijemni ispit: **Test iz predmeta Bosanski/Hrvatski/Srpski jezik, Historija/Povijest i Demokratija i ljudska prava.**

### **11. PRIRODNO-MATEMATIČKI FAKULTET U TUZLI**

- Adresa: Tuzla, Ul.Univerzitetska broj 4.
- Telefon: 035/320-864

#### **Studijski program: Biologija**

- Predmeti koji se boduju po pojedinačnim kriterijima su: **Biologija i Hemija.**
- Prijemni ispit: **Test iz predmeta Biologija.**

#### **Studijski program: Fizika**

- Predmeti koji se boduju po pojedinačnim kriterijima su: **Fizika i Matematika.**
- Prijemni ispit: **Test iz predmeta Fizika.**

#### **Studijski program: Geografija**

- Predmet koji se boduje po pojedinačnim kriterijima je **Geografija i Matematika.**
- Prijemni ispit: **Test iz predmeta Geografija.**

#### **Studijski program: Hemija**

- Predmeti koji se boduju po pojedinačnim kriterijima su: **Hemija i Biologija.**
- Prijemni ispit: **Test iz predmeta Hemija.**

#### **Studijski program: Matematika**

- Predmeti koji se boduju po pojedinačnim kriterijima su: **Matematika i Fizika.**
- Prijemni ispit: **Test iz predmeta Matematika.**

### **12. RUDARSKO-GEOLOŠKO-GRAĐEVINSKI FAKULTET U TUZLI**

- Adresa: Tuzla, Ul.Univerzitetska broj 2.
- Telefon: 035/320-560
- Predmeti koji se boduju po pojedinačnim kriterijima su: **Matematika, Fizika i Hemija.**
- Prijemni ispit: **Test iz predmeta Matematika (za sve studijske programe).**

### **13. TEHNOLOŠKI FAKULTET U TUZLI**

- Adresa: Tuzla, Ul.Univerzitetska broj 8.
- Telefon: 035/320-746
- Predmeti koji se boduju po pojedinačnim kriterijima su: **Matematika i Hemija.**
- Prijemni ispit: **Test iz predmeta Hemija.**

**NAPOMENA:** Naknadno će biti objavljeno mjesto polaganja prijemnog ispita na oglasnim tablama fakulteta/Akademija i web stranici Univerziteta.



### III PROCEDURE ZA PRIJEM I UPIS STUDENATA

#### Član 12.

Postupak realizacije ovog Konkursa na Univerzitetu provode Komisije koje imenuju dekani fakulteta/Akademije.

Komisije su dužne da obezbijede tajnost ispitnog materijala i druge dokumentacije do okončanja prijemnog ispita.

Nakon provedenog prijemnog ispita, Komisija fakulteta/Akademije sačinjava privremenu rang-listu i objavljuje je na oglasnoj tabli fakulteta/Akademije u roku utvrđenom ovim Konkursom.

Privremena rang-lista se utvrđuje prema ostvarenom broju bodova po opštim i pojedinačnim kriterijima i uspjehu na prijemnom ispitu i to od najvećeg do najmanjeg broja ostvarenih bodova.

Na objavljenu privremenu rang listu kandidati mogu uložiti pismeni prigovor naučno-nastavnom/umjetničko-nastavnom vijeću fakulteta/Akademije putem Komisije za žalbe, a isti se predaje putem studentske službe fakulteta/Akademije, u roku od 3 (tri) dana od dana objavljivanja privremene rang-liste.

Konačnu Odluku po žalbi donosi naučno-nastavno/umjetničko-nastavno vijeće fakulteta/Akademije, nakon čega utvrđuje konačnu listu, koju objavljuje na oglasnoj ploči fakulteta/Akademije narednog dana od dana usvajanja, sa naznakom kandidata koji su ostvarili pravo na upis.

### IV ZAVRŠNE ODREDBE

#### Član 13.

Upis kandidata vrši se na osnovu konačne rang-liste.

Prilikom upisa na Univerzitet u Tuzli primljeni kandidati su dužni priložiti ljekarsko uvjerenje (osim za upis na Fakultet za tjelesni odgoj i sport, koji su predali uz prijavu na konkurs za upis) i dokaz o uplati participacije/školarine u troškovima studija.

**Za upis primljenih kandidata na Univerzitet, kandidati prilažu i popunjen propisani upisni materijal:** prijavni list, upisni list, semestralni list i upisnicu - index, te dvije kolor fotografije formata za indeks, a o čemu će dobiti potrebne informacije putem oglasne ploče fakulteta/Akademije.

Kandidati za upis koji imaju mjesto prebivališta izvan sjedišta Univerziteta mogu obezbijediti smještaj i ishranu u Studentskom centru Univerziteta u Tuzli pod uvjetima utvrđenim posebnim Konkursom.

Napomena kandidatima: Preporučuje se kandidatima da, prije podnošenja originalnih dokumenata na Konkurs obezbijede, za sopstvene potrebe, odgovarajući broj ovjerenih fotokopija dokumenata, jer se upisanim kandidatima dokumenta neće moći ni privremeno izdavati.

**PREDSJEDNIK SENATA**